

zu fressen gelassen/ ein anderer wirt in ein weyer gworffen/ das ihn die lampträ-
 ten frassen/ der ander wirt in öl gsorten/ der ander mitt öl vnd anderen färten
 dingen gschmirt vnd angebunden/ wirt den mucken vnd hurnaussen zuplagen
 fürgestellt/ der ander wirt mitt rüten oder knütteln gebleuwert bis das er
 stirbt/ der ander wirt versteinigt/ der ander wirt von der höhe herab gestürzt.
 Darnach so wirt der mensch ohne metall/ nicht auff einerley weise gemartert/
 Als so der hencker mitt brinnenden wachs kertzenn/ ihm seine scham oder üchsen
 anbrennt/ oder ihm ein leinin tüch inn den mundt thüt/ welchs so er nach vnd
 nach/ in dem das er den athem an sich zeucht/ in schlundt gezogen hatt/ zert er
 ihm dasselbig eins mals mitt ganzem gewalt schnelliglich hinder sich/ oder so
 er ihm die hend auff den rucken gebunden hatt/ aller gmächlichst mitt dem seil
 in die höhe auffzogen lassett er ihn eins mals abhin schnellenn/ oder so er ihn an
 ein balcken gebunden hatt/ henckt er ihm ein schwären stein mitt einem seill an
 die füß/ oder zertrendt ihm seine glider mitt dem folltern. Derhalbenn auß di-
 sen dingen verstondt wir/ das nicht die metallen zu schälten seyendt/ sonder vn-
 sere laster/ den zorn/ sag ich/ grausame tyranny/ zweitracht/ begirdt weit zu-
 herschen/ geiz vnd müßwill. Aber allhie ist ein frag/ ob wyr dise ding/ so man
 auß der erden grebt/ sollendt vnder die güten ding oder bösen/ rechnen. Es ha-
 ben zwar die Peripatetici alle reichthum/ für güte ding geachtet/ vnd sie auß-
 serliche ding genädt/ darumb das sie weder im gmüt/ noch im leib/ sonder auß-
 serhalb deren zweien seindt. Darzu habendt sie gesagt/ es mögendt vil andere
 ding auch güte sein/ dieweil es in vnserē gwalt stadt/ sie recht od übel zu gebrau-
 chen/ dann fromme leüt brauchendt dise recht/ die bösen übell/ darumb seindt
 sie ihnen schädlich. Es ist des Socratis sprüchwort/ das der wein sein gschmack
 nach dem faß annämme/ vnd die reichthum/ nach art deren/ die sie besitzendt/
 verendert werdenn. Die Stoici aber/ welcher gebrauch ist vast subreil/ vnd
 gnaw von dingen zu reden/ wiewol sie die reichthum auß der zal güter dingen
 genommen/ habenn sie doch dise nicht für böse ding geachtet/ sonder vnder die
 mittelmässigen dingen gezelt. Dan bey ihnen ist nun ein ding güte/ nemlich die
 tugend/ vn ein ding böß/ nemlich das laster/ andere ding aber/ sie seien wesser-
 ley art sie wölle/ haltē sie für mittelmässige ding. Derhalbenn wie sie darvon hal-
 tendt/ ligt nichts daran es seye einer gesundt/ oder sehr franck/ hüpsch oder vn-
 gestalt/ darzu:

Daran gelegen ist nicht vil/
 Gott geb er sey gleich wer er will/
 Geboren/ von dem alten stam
 Inachi/ des großen war der nam/
 Oder sey arm vnd auch veracht/
 Vnd habe gar kein vnderschlacht/
 So gilts in summa alles gleich
 Gott geb er sei arm oder reich.

Ich syhe aber kein vsach/ warumb das so von natur/ vnd für sich selbs güte
 ist/ vnder güten dingenn nicht soll platz haben. Dise ding so man auß der erden
 hauwert/ bringett fürwar die natur herfür/ vnd gebendt dem menschlichen
 gschlecht vilerley vnd notwendige nutz/ ich will darneben der zierd gschweiz-
 gen/ die gar fein vn wunderbarlich mitt dē nutz übereins kommet. Derhalbē
 ist es nicht billich das man sie von ihrem standt vnd werden/ die sie vnder den
 güten habendt/ abstürze/ mögendt auch nicht recht böse ding genädt werden/
 ob sie gleichwol etwann einer übel gebraucht hatt. Dann was ist güts/ das wir
 nicht als wol übel als recht mögendt brauchen? Als ich exempell anziehē mag/
 auß beiderley gschlecht der güten dingenn. Der wein ist sehr ein träfflich güte
 tranck/ so man ihn mässig trinckt/ hilfft er der deuung der speissen/ vnd dem
 vsprung des blüts/ treibet die natürliche safft in alle teyll des leybs/ ist der nar-
 rung

b 2 rung